

EPISTOLA

Observationes. Id verò quicquid est tibi dicere volui amicissime Valerande: quoniã Avernici bituminis magnam à te copiam iam pridem accepi: cuius muneris tui tempestivè me hæc adornantem reddita mihi Epistola tua admonuit: qua cum etiam alias plantas raras, in Italia & Istria, marinas præsertim, à te collectas longinquis peregrinationibus tuis, pro liberali tuo in me amore, dono mihi misisti: & THERIACAE antidoti, quã nunc paras, nobilissimæ specimen: hoc est, simplicia aliquot medicamenta, quæ in eius compositionem requiruntur pulcherrima aliquot lectissimaq; addidisti: vnde ego tanquam ex ungue Leonem, vt aiunt, iudicans, antidotus tota, qualis sit futura, hoc est, optima perfectissimaq;, qualis hodie sanè rarissima reperitur, facile conijcio. Siquidem tu in omni simplicium pharmacorum genere, multis iam annis incomparabili studio & diligentia diversis in regionibus, Germaniæ, Galliæ, Italiæ atque Istriæ es versatus: & undique amicos habes per quos optima quæque medicamenta